



Senin, 05 Juli 2021

Ogen: Roma 8:28



Kerinana Guna Kiniulin



Tepat sada minggu nari anak-anakta masuk sekolah. Uga perasanta? Meriah? Kenaiken kelas, tingkatan baru tentu enda jadi keriahen man anak-anak bage me pe min banta selaku moria. Emaka kai pengarapenta moria? Kerna persekolahen anak-anakta? Mungkin lit dilema bas ukurta. Sada sisi pengarapenta sekolah min ia bagi simbarenda ope jadi pandemik bas doni enda, jumpa, tatap muka ras guru, tangkas datna pengajaren guruna e, jumpa ras main-main ia ras teman-temanna meningkatkan sosialna bagepe kemampuan pergaulenna. Tapi, bicara iperhadapkan ka kita ras situasi pandemic enda, ibas berita rusur sibegi meningkat jumlah kalak siterkena covid, lit ka jenis covid simbaru silebih gampang engkenai manusia nina. E mahanca surut ka ukurta, lanai padah lebe ia ku sekolah yah adi bage ninta ka. Adi terancam ka nge kesehatenna ateta. Rumah saja ia erlajar daring yah ninta ka selaku moria.

Situasi enda, labo gundari ngenca jadi dilema ibas kita, sebab anak-anakta enggo setahun setengah me erlajar cara daring (dalam jaringan). Melala curakna sijadi nandangi anak-anakta dalam proses erlajar daring enda. Positifna, kebersamaan keluarga meningkat, lebih iperdiateken anak-anak e sebab ras nge kita i rumah. Tapi, akhirnya daya juangna guna erlajar nge longgar la seri bagi asum ia erlajar alu tatap muka ras ngaloken pengajaren guruna.

Surat Rasul Paulus nandangi perpulungen i Roma ngingetken man banta maka situasi ope pandemic ras paksa pandemic genduari bahkan situasi kenca pandemic pagin tetap nge simehulina iaturken Tuhan ibas kegeluhenta. Cara erlajar daring, luring entah pe tatap muka pagin, erpengendeslah kita man Tuhan gelah keputusan pemerintah, siap kita sebagai orangtua ngalokenca alu meriah ukur.